

## Čestitka maršala Tita prispadnicima oružanih snaga

### OBAVEZA NA NOVE NAPORE U JAČANJU ODBRAMBENIH SPOSOBNOSTI

Dragi drugovi,

Povodom 22. decembra — Dana JNA, koji proslavljamo u okviru 25-godišnjice revolucije naših naroda, upućujem vam najtoplije čestitke.

Od historijskog 22. decembra 1941. godine, kada je pod zastavom revolucije formirana Prva proleterska brigada, prošlo je 25 godina. Stopama Prve proleterske koračale su ostale jedinice Narodnooslobodilačke vojske.

Za četiri godine velikog oslobodilačkog rata, uz ogromne žrtve i napore, Narodnooslobodilačka vojska je, kao čedo naših naroda, izvojevala pobjedu nad fašističkim zavojevačima i svim drugim neprijateljima naših naroda. U toj herojskoj borbi ostvaren je vjekovni san jugoslovenskih naroda: stvoreni su nezavisna i slobodna socijalistička zajednica, ravnopravnost, bratstvo i jedinstvo naših naroda, snažna i moralno-politički jedinstvena Narodna armija.

Na temeljima tekovina velike oslobodilačke borbe, nošeni revolucionarnim idejama i poletom, narodi Jugoslavije u poslijeratnom periodu postižu krupne uspjehe u izgradnji naše socijalističke zajednice i jačanju socijalističke demokratije. Nastavljajući tradicije iz rata, Jugoslovenska narodna armija postiže krupne uspjehe u izgradnji borbene sposobnosti i gotovosti, u daljem jačanju moralno-političkog jedinstva, podizanju političke svijesti i učvršćenju neraskidivih veza s narodom.

Svjesni društvene i historijske uloge Jugoslovenske narodne armije, naši narodi i zajednica ulagali su i ulažu napore i sredstva u dalju izgradnju i modernizaciju oružanih snaga naše zemlje. Svojom borbenom gotovošću, časnim i predanim izvršavanjem zadataka u obezbeđivanju tekovina revolucije i so-

cijalističke izgradnje, aktivnim učešćem na svim područjima društveno-političkog života, duboko odana interesima progressa, Armija neprekidno jača stečeno povjerenje sigurnog branioca i ostaje, kao i uvijek do sada, škola graditelja socijalizma i novih socijalističkih društvenih odnosa.

Danas, kad čovječanstvo još uvijek nije izbjeglo opasnost novog ratnog požara, neophodna je sveukupna spremnost čitave zemlje za odbranu. U eventualnom ratu, u kojem bi bila upotrebljena nuklearna i druga sredstva neograničenih mogućnosti, u ratu u kojem bi čitava teritorija zemlje bila ratište, potrebna je spremnost i oružanih snaga, i zajednice kao cjeline, i svakog pojedinca.

Vjerna interesima mira i socijalističkog progressa, Jugoslavija će i dalje ulagati napore da ne dođe do ratne katastrofe.

Obezbjedenje tekovina oslobodilačke borbe i socijalističke izgradnje, sloboda i nezavisnost, mir i dalji progres obavezuju nas na nove napore u jačanju odbrambene sposobnosti naše socijalističke zajednice. Na taj način ćemo najbolje ispuniti zavjet palih heroja revolucije i vjekovne slobodarske težnje naših naroda.

Uvjeren sam dragi drugovi, da i ubuduće nećete žaliti napora u jačanju odbrambene sposobnosti naše socijalističke zajednice, njegovanju i razvijanju tradicija Narodnooslobodilačke vojske, učvršćenju moralno-političkog jedinstva, podizanju političke svijesti, snaženju bratstva i jedinstva, produbljivanju neraskidivih veza Armije i naroda.

Pozdravljajući vas povodom ovog značajnog jubileja, ujedno pozdravljam i sve građane naše zemlje, sve one koji svojim stvaralačkim radom doprinose moći naše odbrane. Svaki uspjeh Jugoslovenske narodne armije u jačanju oružanih snaga je dio uspjeha naše socijalističke zajednice. S druge strane, veliki rezultati izgradnje zemlje osnažuju odbrambenu moć naše zemlje u cjelini.

Neka vas ovaj jubilej podstakne na još veća pregnuća u jačanju odbrambene sposobnosti naše zemlje.

Na sadašnjim i budućim generacijama je da stalno razvijaju i njeguju revolucionarne i borbene tradicije NOR, jačaju suradnju sa Jugoslovenskom narodnom armijom i budu spremne u svako doba da brane tekovine oslobodilačke borbe i socijalističke izgradnje.